

四庫全書

集部

欽定四庫全書

集部

元詩選初集卷五十六

詳校官中書<sub>臣</sub>王鵬

主事銜<sub>臣</sub>徐以坤覆勘

總校官編修<sub>臣</sub>王燕緒

校對官檢討<sub>臣</sub>溫常綬

謄錄監生<sub>臣</sub>王同獻

欽定四庫全書

元詩選初集卷五十六 庶吉士顧嗣立編

寄張伯雨

以下鐵崖集

句曲先生非隱淪苦嫌城市客來頻  
每瞻湖上青鳥去不覺山中白兔馴  
古洞神瓜圓侶斗空林老茯苓長如神  
金鐘玉几我所愛鶴氅烏巾許卜鄰

送羅太初北游

聚散何如水上漚君行朔漠我東州  
三年風雨同為客

一日江湖各問舟古木殘陽栖短景清琴涼月照高秋  
燕山驛路四千里歸夢還能到此不

游開元寺憩綠陰堂

為開元寺長老秀石公賦

韋郎句中尋晝寂劫灰不盡綠層層鴻文重紀青城客  
內典新傳瀑布僧石佛浮江輕侶葉神珠照鉢隱如燈  
杪羅樹子風前落吹滿一作傍恩公舊氍毹音榻登西域毛席大牀前

小榻以上香者

贈溧陽馬閒雲鍊師

閒雲隱者一區宅相直芝山半面開劒氣上天看北斗  
鶴人作語過蓬萊樵柯石爛圍棋在梅洞雲深采藥回  
相約丹陽尋祖武三花髻子市中來

四月四日偕蜀郡袁景文大梁程冲霄益都張翔  
遠雲間呂德厚會稽胡時敏汝南殷大章同  
游錢氏別墅飲于菊亭僧舍賦此書于壁

山公今日飲何處為愛東池似習池喬木尚傳錢相宅  
蒼苔已上岳公碑井贛或從雙劒起

一作出

石人夜逐五

丁移中天艮岳為平地可但平泉草木悲

追和鮮于公寄山齋先生釣石詩

星離分得小雙臺不染東華半點埃  
爽氣時從仙掌出青天忽見岳蓮開  
雲根遠帶桐江水夜雨新生海眼苔  
九朵峯前成屢憶不隨霜鶴寄詩來

送錢思復之永嘉山長

湖頭送客綵舟移青雀飛來花滿枝  
進士舊傳羅剎賦佳人新唱竹枝詞  
黃桐錦樹秋風早青輿紅雲海日遲

思遠樓前約相見西山煙雨畫新眉

送費夢臣北上并簡十八丈

桃花新水漲湖頭今日南風起戍樓雲近紫臺龍虎氣  
春回青海鳳麟游蕭韶美頌從容上光範長書次第投  
為問湖南名奉使綠衣驄馬正風流

錢塘懷古率堵無傲同賦

一作詠  
白塔

天山乳鳳飛來小南渡衣冠又六朝劫火自焚楊璉塔  
箭鋒猶抵伍胥潮燐光夜附山精出龍氣秋隨海霧消

惟

一作獨

有官人斜畔月多情還

一作猶

自照吹簫

訪倪元鎮不遇

霜滿船篷月滿天飄零孤客不成眠  
居山久慕陶弘景蹈海深慚魯仲連  
萬里乾坤秋侶水一窗燈火夜如年  
白頭未遂終焉計猶欠蘇門二頃田

西湖

西湖風景開圖畫墨客騷人入咏嗟  
扇底魚龍吹日影鏡中鸛燕老年華  
蘇堤物換前朝柳葛嶺人耕故相家



今古一作日消沈一杯水兩峯長照夕陽斜

留別浯溪諸友

浯溪長揖向蘭溪偶及高秋欲半時明月不分天遠近  
故人相望浙東西青山木落千檣立滄海潮來萬馬馳  
倚棹歌闌離思作今宵風雨倍淒淒

次韻黃大癡豔體

千枝燭樹玉青蔥綠紗照人江霧空銀甲辟絃斜鴈柱  
薰花撲被熱鴛籠仙人掌重初承露燕子腰輕欲受風

閒寫惱公詩已就花房自擣守宮紅

寄衛叔剛

二月春光如酒濃好懷每與故

一作可

人同杏花城郭青

旗雨燕子樓臺玉笛風錦帳將軍烽火外鳳池仙客碧

雲中憑誰解釋春風恨

一作情重

只有江南盛小叢

玄霜臺為呂希顏賦

仙家樓若有玄霜無奈今宵月色涼露下金莖仙掌白  
先生玉兔雪眉蒼道人醉寫榴皮字仙客饑分寶屑糧

愛我西園吹鐵笛碧雲千里鴈飛長

和呂希顏

雨過長江五月秋主家讌客林塘幽苦無奇字從人問  
賴有清尊消我憂道士舊游尋赤壁美人相見憶羅浮  
休官優擬橫溪住蓴菜鱸魚不外求

題春江漁父圖

一片青天白鷺前桃花水泛住家船呼兒去換城中酒  
新得槎頭縮頸鱖

郭天錫春山圖

不見朱方老郭髯  
大江秋色滿疎簾  
醉傾一斗金盞汁  
貌得江心兩玉尖

飛絮

春風門巷欲無花  
絮起晴風落又斜  
飛入畫簾空惹恨  
不知楊柳在誰家

吳詠十章用韻復正宗架閣

館娃宮裏落花多  
春色撩人可奈何  
南省風流又架閣

宮才解賦館娃歌

曾侍虛皇第二筵  
鐵仙輕脫故依然  
江州坐上初相見  
還識人中孟萬年

杜牧尋春苦未遲  
水晶宮裏舊題詩  
小鬟莫訝腰如束  
善唱白家楊柳枝

馬上郎君出帝城  
瑤林宴裏記相迎  
吳山吳水新迎送  
學唱陽關第四聲

淮南八月鴈初過  
奉使槎回烏鵲河  
十里揚州花底散

五陵年少已無多

夏駕湖頭朱雀舟湖光山色不勝秋丘中不見金銀氣  
臺上閒看麋鹿游

江上梅花鐵石心江南腸斷越人吟南垣閣老多情甚  
才見梅花便抱琴

鷓鴣夷仙去五湖船故國何人憶計然昨夜洞庭秋水長  
夢聞廣樂下釣天

黃菊初華客未歸登高自試芻羅衣真娘墓上好紅葉

伍相祠前多翠微

地行仙子羊權家曾降山中萼綠華三十六橋明月夜

姑蘇城內有瓊花

官妓名珣花宴者  
新自維揚來蘇州

奉題伏生受書圖

瓜丘崩北斗藏典墳孰求楚左相金絲未壞孔子堂濟  
南老生教齊魯綿絕禮生何足伍挾書嚴禁禁未開盤  
詰誰能禁齊語百年禮樂當有興天子好文開太平百  
篇大義喜有託十三女口傳嚶嚶太常掌故親往受百篇

僅遺二十九河內女兒還自疑老人屋中有北斗建元  
博士孔襄孫五十九篇為訓文嘉唐悼樂空有詔孔氏  
全經誰與論倪家書生能受學一篇薦上原非樸賞官  
得列中大夫帝軌皇塗未恢擴漢家小康黃老餘烏用  
司空城旦書蓋音闔師言治在何處後世徒走陳農車陳農  
車漢成  
帝時人

題二喬觀書圖

喬家二女雙芙蓉一代國色江之東亂離唯恐埋百草



豈料一日俱乘龍江東子弟孫郎巢同住周郎道南宅  
弟兄不減骨肉親喜作喬家兩嬌客明年符死鏡中妖  
銅雀春深愁大喬自是阿瑜能了事黃星一道隨煙  
銷小喬初嫁有如此天下三分從此始風流顧曲本多  
才風雨雞鳴戒君子喬家教女善詩書豈比小姑持刀為帳  
中草檄名漢賊已知事屬方頤兒君不見阿瞞老贖蔡  
文姬博學才辯何所施天下羞誦胡笳詞

題王桀登樓圖

臨洮水涸銅人毀西園青青草千里秦川公子走亂離

瘦馬疲童面如鬼

聚貌甚瘦

俊君威名跨海南虎視走鹿何

眈眈可憐膝下盡豚犬誰復大厦收榱桷落月樓頭髀

空拊目斷神州隔風雨平生不識大耳公座上客歸丞

相府春深銅雀眼中蒿攬涕尚復思登高江山破碎非

舊土版圖何日還金刀荆臺高樓已荆棘丹青寫賦工

何益君不見袁家有客能罵賊將軍頭風重草檄

題陶淵明漉酒圖

義熙老人義上人一生嗜酒見天真山中今日新酒熟  
漉酒不知頭上巾酒醒亂髮吹騷屑架上烏紗洗糟蘖  
客來忽一作休怪頭不冠巾冠豈為我輩設故人設具  
在道南老人一笑程程貪東林法師非酒社攢眉入社  
吾何堪家貧不食檀公肉肯食劉家天子祿頽然徑醉  
卧坦腹笑爾阿弘來奉足

題陶弘景移居圖

大奴擔簦挈壺殮小奴籠雞約孤狔雪斑鹿前雙婉孌

水雲牯背三溫磨中有玉立而長身幅巾野服為何人  
云是永明之隱君身有黑子七星文自從夜讀葛洪傳  
便覺白日生青雲解冠徑挂神武門蜜蠶尚拜君王恩  
句容洞天元第八茅家兄弟遁秦臘飛宮三接十二樓  
下聽華陽海聲挾三朝人物半凋零水丑木中文已成  
金牛脫絡誰得並畫牛以金籠頭絡之枯龜受灼寧生靈金沙丹  
飯餓可餉山中猶嫌呼宰相從此移家金積東滿谷桃  
花隔秦壤畫工何處訪仙蹤修眉明目射方瞳可無難

大逐牛豕栗橘菖樞皆家僮鐵崖浮家妻子從名山亦  
欲尋赤松華陽禮一作郎或相逢清風喚起十八公乞  
以玉笙雙鳳吹雌雄

唐玄宗按樂圖

大唐天子梨園師金湯

一作城

重付軋犂

一作綠衣

兒何人端

坐閱樂籍三萬纏頭不足支龜年

一作茲

檀板阿蠻舞花

奴手中花如雨鈞天供奉真天人上亦親撾

一作撻

汝陽鼓

玉奴檀槽倦無力忽竊寧哥手中笛邊風吹入新貢簫

銅池夜夢雙飛翼閭門邊

一作大  
臣廷

奏塞鼙聰耳譜更訪

一作傳

明月宮漁陽一震萬竅聾梨園弟子散如雨

一作  
蕭瑟

羯鼓擲  
如土

惟有舞馬傷春風

自題鐵笛道人像

道人鍊鐵如鍊雪丹鐵火花飛列缺神焦鬼爛愁鎖鄒  
精魂夜語吳鉤血居然躍冶作龍吟三尺笛成如竹截  
道人天聲閔天竅媧皇上天補天裂淮南張涯人中傑  
愛畫道人吹怒鐵道人與笛同死生直上方壺觀日月

題趙仲穆臨黃筌秋山圖

成都畫師稱要叔不獨錦雞兼寫竹李昇筆法最稱神  
萬里雲山出西蜀重巒疊嶂金碧堆丹崖楓樹如花開  
銀河著地可望不可到上有仙家十二之瓊臺峨眉玉  
壘天邊落萬雉金城連劔閣雪山西蜀為武擔石鏡清  
輝纏井絡江邊里姑似沉犀水怪不敢湍金堤支機石  
在嚴真觀浣花水落少陵溪蜀王宮殿牛羊下鼓吹却  
入雞豚社雪飛水磨舊敲茶春釀郾筒荷熟蘆草田麥

瓏煙光薄交鹿呦呦雉角角何處山僧赤脚歸空林野  
水日欲落吳興小趙精天機出入內府閱秘竒親摹此  
本第一幅閉戶三月忘朝飢老夫平生有山癖草玄亭  
前雙眼碧江上何處未歸來黃鶴高樓吹鐵笛

題錢選畫長江萬里圖

神禹劃天塹橫分南北州祗今天不限南北一葦航之  
如大溝洪源發從瞿塘口嶮峽中擘爭黃牛枯漢邑一  
甲湘會沅澧二妃風浪兼天浮青山何罪受秦赭翠黛



依然生遠愁。洞庭微波木葉脫。有客起登黃鶴樓。老瞞

橫槩處。醺酒澆江流。江東數豪傑。乃是孫與周。東風一

信江上發。從此鼎國曹孫劉。吳南魏北後倏忽。一作開

六朝。叶江南龍虎地。山水清相繆。渡頭龍馬王氣歇。洲

邊鸚鵡才名畱。新亭風景豈有異。長江不洗諸公羞。宮

中金蓮步方曉。後庭玉樹聲已秋。何如一杯酒。錦袍仙

人月下舟。解道澄江靚。一作淨如練。醉呼小謝開青眸。鐵

崖散人。一作滿散萬里鷗。拙迹今似林中鳩。不如大賈船。江

山足勝游腰纏足跨揚州鶴樓船不用

一作問

蓬萊丘平

生此志苦未酬眼明萬里移滄洲烏乎楚水尾吳淞頭  
山河一髮瞻神州孰使我戶不出兮囚山囚

題柳風芙蓉月亭詩卷

主家池館西龍塘龍塘華國參差芳秋輪輒露春雲熱  
水風楊柳芙蓉月星橋高挂東西虹宮花小隊煙花紅  
金絲拂鞍長袖舞夜靜水涼神欲語草池夢落西堂客  
吟詩一夜東方白

謝呂敬夫紅牙管歌

并序

呂云度廟老宮人所傳物也滄江秦娘蓋敬夫席上  
善倚歌以和予天忽雷者故詩中及之

鐵心道人吹鐵笛大雷怒裂龍門石滄江一夜風雨湍  
水族千頭嘯悲激樓頭阿泰聚雙蛾手持紫檀不敢歌  
呂家律呂慘不和換以紅牙尺八之冰柯五絲同心結  
繫一作龍首曾把昭陽玉人手只今流落已百年不省愁  
中折楊柳道人吹春哀北征宮人斜上草青青吳兒木

石悍不驚秦娘苦獨多春情為君清淚滴紅冰

紅酒歌

謝同年智  
同知作

揚子渴如馬文園宰官特賜桃花源桃花源頭釀春酒  
滴滴真珠紅欲然左官忽落東海邊渴心鹽井生炎煙  
相呼西子湖上船蓮花博士飲中仙如銀酒色未一作不

為貴令人長憶桃花泉膠州判官玉牒賢憶昔同醉瓊

林筵別來南北不通問夜夢玉樹春風前朝來五馬過

陋廬贈以同袍

一作我  
胃中

五色彩

一作線

副以五鳳樓頭牋

何以澆我磊落抑塞之感慨桃花美酒斗十千垂虹橋  
下水泊天虹光散作真珠涎吳娃鬪色櫻在口不放白  
雪盈人顛我有文園渴苦無曲奏鴛鴦絃預恐沙頭雙  
玉盡力醉未與長瓶眠徑當垂虹去鯨量吸一作此百  
興吞  
川我歌君扣舷一斗不惜詩百篇

題月山公九馬圖手卷為任伯溫賦

并序

任公月山九馬圖一卷馬官控而立者二渴飲者二  
赴飲者一共檣秣者二立而昂首回顧者二昔韓幹

善畫馬實出曹將軍霸唐之畫馬稱曹韓而杜子美  
評曰幹惟畫肉不畫骨則幹猶未暇入曹將軍室也  
今公所畫法備而神完使在開元間未知與霸孰先  
後豈獨方駕幹而已哉其孫士珪出卷求予言故為  
賦卷尾

任公一生多馬癖松雪畫馬稱同時已知筆意有獨得  
天育萬騎皆吾師房精夜墮池水黑龍出池中飛霹靂  
圖中九馬氣俱王都護青驄尤第一一馬飲水水有聲

兩馬翫草風雨生其餘五馬盡奇骨蠻煙洗盡桃花明  
君不見佛郎獻馬七度洋朝發流沙夕明光任公承旨  
寫神駿妙筆不數江都王任公一化那可復後生畫馬  
空多肉此圖此馬無人看黃金臺高春草綠

原卷題云  
李黼榜第

二甲進士會稽楊維禎書時  
捧硯者蘇臺常氏繡簾也

### 哀馬圖

唐家內廐三萬匹畫史縑緗都熟識綠蛇連卷骨初蛻  
一團旋風五花色濕雲乍洗烏龍池金索掣斷愁欲飛

奚官獨立柳陰下手把玉鞭將贈誰

飲馬圖

佛郎新來雙象龍鼻端生火耳生風臨流飲水如飲虹  
波光倒吸王良宮吁嗟青海頭白磧尾渴烏一失金井  
水長城窟遠腥風起

正面黃

鼎湖乘黃忽已仙龍池霹靂飛青天玉臺萬里在足下  
青絲挽住春風前疑如長鶴靜不騫仗下肯受庸奴鞭



主恩一顧百金重不辭正面當君憐

背立驪

首昂渴烏勝山峙拂階一把銀絲委金羈脫免勢無前  
踏鐵盤攢忽如倚淺髀大脰方爭塗忍使驪龍老垂耳  
倚風背立非背恩駝錦秋高為君起

趙大年鵝圖

鏡湖湖上春波明灣碕樹樹鵝黃青上有金衣弄黃舌  
下有紅掌浮繡翎春鋤鵝也一白能自好尚嫌性帶鷗鷺

腥眼明見此羣鷓鴣不與匹鳥爭春晴大年筆法如蘭  
亭宛頸箇箇由天成良宮流落二百載胡賈不厭千金  
爭却恨會稽內史無此筆為人辛苦書黃庭

月梅

以下鐵龍詩集

天上清虛府人間香影家阿剛斫桂斧只合種梅花

雨竹

倚石添新筍爭妍箇箇添佳人聽春雨笑隔水晶簾

秋江晚渡圖

船泊大江口行人與馬爭不如漁艇子高卧待潮平

詠石榴花

密幄千重碧疎中一撈紅花時隨早晚不必嫁春風

秋鴈圖

野水江湖遠秋風蘆葉黃南飛舊兄弟一一自成行

織錦圖

秋深未寄衣絡緯上寒機斷織曾相戒夫君不用歸

題米芾小景

煙霧林梢出蒼翠望中分山溜雜人語溪雲亂鶴羣石

梁逢釋子品屋隱徵君皴皴誰家筆披圖有篆文

皴七  
迹反

皮細也米元章  
有皴皴畫法

留題毗山松風竹月亭

蕩舟北郭外華表見新亭水作游龍勢山為偃月形怪  
松蟠水赤高竹上山青一束生芻意千秋地下靈

題邊魯生梨花雙燕圖

燕燕兩于飛瑤樓暮雨微春風歌白雪夜月夢烏衣對

語寄宮樹營巢接禁闌江南花事晚疑是苦思歸

題山居圖

以下鐵笛詩

千澗沄沄一徑通長松盡入白雲中  
徵君更在山深處滿谷桃花爛漫紅

雨後雲林圖

缺  
雲載山山欲行橋頭雨餘春水生  
僂須借榻雲林館卧聽仙家雞犬聲

狼山晚晴圖

樵東風雪夜無邊一別狼山已幾年今日江南攜畫看  
玉峯十二倚青天

題芭蕉美人圖

髻雲淺露月牙彎獨立西風意自閒書破綠蕉雙鳳尾  
不隨紅葉到人間

題凌波仙圖

帝子乘風下九疑含情欲去更遲遲獨憐江草年年長  
曾見凌波解佩時

題搃花仕女圖

寫罷桃花扇底詩  
木香手搃小枝枝  
靈犀一點春心密  
不許牆東野蝶知

水墨四香畫

玉龍聲嘶五更了  
綠衣倒挂樽桑曉  
道人衝寒酒未醒  
梨花零落春雲小

瑞香花

一團華蓋亭亭萬箇丁香  
露欲零日炙錦薰眠不得

玉人扶起酒初醒

題柯敬仲竹木

洞庭秋盡水增波  
光動珊瑚碧樹柯  
夜半仙人騎紫鳳  
滿天清影月明多

題王元章畫梅

舊時月色有誰歌  
拔劍王郎鬢已皤  
惆悵東風舊詞筆

南枝香少北枝多

此詩玉山雅  
集作鄭元祐

四馬挾彈圖



地卷銀龍薄于紙艮山移來天子宮宮前一箭隨西風  
劫灰欲死蛇鬼穴婆畱朽鐵猶爭雄望海樓頭誇景好  
斷鰲已走金銀島天吳一夜海水移馬蹠沙田食沙草  
崖山樓船歸不歸七歲呱呱啼軹道

此詠趙宗  
觀潮事

奉題于昂驪馬圖

西家驍騎驍如龍鼻端生火耳生風東家老段老且蹇  
有如征南矍鑠翁西家公子誇遠服千里之行一日速  
東家主人役老段不取驍騰取馴伏主人公子性各殊

愛驍愛段知何如若將變蛇較足下胡敢並轡爭齊驅  
朝明西家蹄一蹶解鞍折臂中道歇道傍仰首鳴向天  
蹶躩風塵愁蹶躩坐令公子心火然顧瞻老段行在前  
烏乎世步誰後先東家莫厭遲遲鞭

題履元陳君萬松圖

紫芝道人天思精南來新畫青松障東家畫水西家山  
積棄陳縑忽如忘突然槎牙生肺肝元氣淋漓迫神王  
亟呼圓瓦倒墨汁盡寫髯官立成仗羣爭十丈百丈身

氣敵千人萬人將交柯玉鎖混鱗甲屈鐵金繩殊骨相  
石闢雷霆白日傾雨走蜺龍青天上前身要是僧擇仁  
五百蜿蜒見情狀天台老林亦畫松三株五株成冗長  
我家東越大松岡五鬣蒼蒼鬱相望門前兩箇赤婆婆  
上有玄禽語相向雕龍梓客朝取材伏虎將軍夜偷餉  
安得射洪好絹百尺強令泣陰森移疊嶂鼓以軒轅之  
瑟五十絃共寫江聲入悲壯

右寫似于昭異才子昭工  
畫仕女花木予懼其情過

粉黛則氣乏風雲故書此詩以遺之于昭  
讀此詩後得無激作于公孫大娘之劍乎

蹋踑歌贈劉叔芳

蹋踑復蹋踑佳人當好春金刀翦夫容紉作滿月輪落  
花游絲白日長年年它宅媚流光綺襦珠絡錦繡襦草  
裊漫地綠色涼揭門縛綵觀如堵恰呼三三喚五五低  
過不墜蹴忽高蚨蜢窺飛燕迴舞步矯且捷如凌波輕  
塵不上紅錦靴揚睂吐笑頰微渦江南年少黃家多劉  
娘劉娘奈爾何只在當年舊城住門前一株海棠樹

古樂

府載蹋踑篇為劉娘賦云江南女兒花媚娟五花繡出  
葵花圓蹋花上下雙文鴛雙文鴛玉蓮環髻斜斜馬初

墮

輦婆引

技神記昆邑  
一名輦婆

吳門玉帳元戎府手擊銅龍踏哮虎錦貂半醉金盤春  
芍藥三千嬌欲語梅卿上馬彈輦婆鷗絃振振金羅紗  
軟灰促節變幹羅楓香古調翻回波四索真珠瀉銅盃  
三十六竿合笙管孤鸞夜語烏絲愁朔風吹寒青草短  
玉環流落梨園空三郎不在華清宮凝碧池頭散花雨  
天上仙班奉明主

明皇按樂圖

沈香亭前花萼下

叶戶

天街一陣催花雨  
海棠花妖睡初

著

直略切

喚醒一聲紅芍藥  
金鑾供奉調清平  
梨園舊曲

換新聲阿環自吹范陽笛  
八姨獨操傷春情  
君不見夜游重到明月府  
青鸞能歌兔能舞  
五雲不障蚩尤旗  
回首煙中萬鼙鼓  
那知著底梧桐雨  
雨聲已入淋鈴譜

題開元王孫挾彈圖

開元少年意氣雄  
任俠不數陳孟公  
文犀束帶鵲被小

驕馬颺踏如飛龍側身仰望目瞿瞿為有流鶯在高樹  
兩騎聯翩未敢前看送金丸落飛羽白頭烏啄延秋門  
漁陽塵起天地昏珊瑚寶玦散原野空令野客哀王孫  
平原公子五色筆俗史庸工俱辟易寫成圖畫鑒興衰  
未必奢淫不亡國

王若水綠衣使圖

綠衣翠頂珠冠纓西來萬里隴山青金雞一鳴天下白  
此鳥一鳴天下平金精稟氣清做直言語分明藏不得

宮中未聞家國事共愛聰明好顏色  
殿上衮衣誰小戲  
宮中錦綉搖虎翅  
阜鵠御史不彈邪  
拜賜君王綠衣使

聽鸞曲

紫騮踏花雲滿足  
南陌東阡日馳逐  
不如幽谷黃衣郎  
好音綿蠻出深木  
鄰家女兒愁別離  
楊花却傍珠簾飛  
樓前關山人未歸  
奈何奈何啼黃鸝

蓮花埭歌

埭在太湖之西  
蘇氏村埭  
或作門山川  
峭絕處音斗

棟花風殘啼鴂

一作  
子規

舌蓮花埭上  
春三月埭上女郎齊



踏歌輕衫白苧飄香雪青山深鎖薊家村使君艇子恰泊一作當門門前滿樹櫻桃子手摘櫻桃招使君使君本是龍門客身脫官袍岸烏幘何處江南最有情新買蓮花斗上宅

小姑謠

小姑失母年十五大嫂育之嫂如母小姑急嫁嫁蠻郎雙鬟私揀金釵股大嫂泣血告小姑爾祖儀同父上柱如何世閤不對當失身去作蠻郎婦汝貧蠻婦多金銀

寧嫁華郎守賤貧，蜜郎金多不到老。  
華人雖寔終吾身，小姑不聽大嫂戒。  
蜜郎戰沒羊羅寨，五丁一夜發鄮塢。  
官籍黃金官估賣，小姑還家嫂怒嗔。  
棄置棄置同市門，嫁衣重繡金織孫。  
今年又嫁烏將軍。

題王母醉歸圖

瑤池春暖波如澱，不與紅粧洗嬌面。  
仙娥泛月蕊宮來，催宴瑤花開水殿。  
麻姑滿進九霞觴，金盤鮓熟夫容香。  
歌雲緩繞紫鸞管，舞飈淑洒青霓裳。  
阿母嬉春淡粧束。

雲冠巧琢梅花玉酒痕凝頰呼不醒扶上仙山雪毛鹿  
綺袍半脫露香肩飛控不動金連錢天風吹夢渡弱水  
含羞倦倚雙嬋娟歸來笑拂龍髯席汗濕鮫綃睡無力  
玉鉤齊上水精簾十二瑤樓月光白吳興畫史筆如神  
丹青貌得瑤池真劉郎自是識仙趣看花同賞玄都春  
圖中彷彿一相見何必蓬萊問清淺便呼青鳥報鸞箋  
蟠桃明日重開宴

六客亭分題送趙季文知事湖州

秋水城下碧秋山城上青水晶出宮闕雲氣到車駟風  
流五馬貴六客聯華星美酒來東林朱果取洞庭奇畫  
掃寒蕩妍辭約浮萍焉知後不繼高堂葺殘局送子河

風道賓鴻集修翎官奴重秉燭此筆懷蘇亭

六客亭在湖州郡園中張

子野為前六客詞東坡為後六客詞李公擇為郡時有  
張子野劉孝叔楊元素東坡陳君舉會于碧澗堂子野  
作六客詞張子野守郡時有東坡曹子方劉景文蘇伯固  
張東道會于此東坡繼前作六客詞

鳳皇石

至正辛丑花朝前三日余偕華藏月亭登  
玉峯頂生鳳皇石月庭索賦詩為課十有

挾洪濤白馬迎金匱

一作廊廟

正修仁義傳史官

一作詞臣

執筆

淚先傾

過沙湖書所見

五月落殘梅子雨沙湖水高三尺  
強大風開帆作弓滿  
白浪觸船如馬狂唱歌買魚赤鬚老  
打鼓踏車青苧孃  
故人相憶在樓上坐對玉山懷草堂

璚花珠月二名姬

并序

春正月廿有二日偕崑山顧仲英雪川郊九成大梁

徐師顏讌于吳城路義道家佐酒者六妹皆蘇臺之  
選內有瑤花與珠月者選中之絕也義道起持觴屬  
客曰今日名姬對名客不可無作座客酒俱酣暢瑤  
花者捧硯請余題首仲瑛曰花月一對雖絕而彼此  
不無相妬題品稍偏當令偏者舉主人蓮花巨觥連  
飲之予笑口月滿十分珠有價花開第一玉無瑕時珠  
月者已出主仲瑛有意  
收之瑤花者未事人也兩姬大喜客皆起坐交觥予  
就醉矣明日足詩曰

新年春色在鄰家  
隊子三三聚館娃  
月滿十分珠有價  
花開第一玉無瑕  
蒲萄酒澁沈櫻顆  
翡翠裙翻踏月牙  
老子圓紅先點筆  
詩成勉飲玉蓮花

楊妃襪

天寶年來窄袖留  
幾隨錦被暖香篝  
月生簾影初弦夜  
水浸蓮花一瓣秋  
塵玷翠盤思亂滾  
香黏金鞵憶微兜  
縣知賜浴華清日  
花底裯兒碧眼偷

夜坐

以下東維子集

日落羣動息張燈坐草堂浮生百年事清坐一爐香謀  
拙鄰人嘆幽棲世慮忘吟詩不知寐華月自流光

賦春夢婆

黃柳城邊風雨多白頭宮女有遺歌東坡哨徧無知己  
賴有人間春夢婆

送貢尚書入閩

繡衣經畧南來後漕運尚書又入閩萬里銅鹽開越嶠  
千艘升斗貿蕃人香熏茉莉春醒重葉卷檳榔曉饌頻



海道東歸聞未得法冠重戴髮如銀

寄秋淵沈鍊師

所居號琅玕所

琅玕種得三千箇箇箇瓊臺玉樹齊秋淨雙鳬青溆曲  
夜寒一虎大茅西長茸不著花猶獵深竹時聞翠羽啼  
老我所須唯鐵杖不須太乙乞青藜

用韻復雲松老人華陽中歌

君不見見獬豸不識字高柱削鐵堅白簡孰辨賢不賢又  
不見鷄鷄偏尚武高屋壓虎肩五兵不理長酣眠鐵崖

老狂者強項如董宣小巾製子夏正要江東傳人間緋  
紫擅已蛻風中蟬脫巾漉酒東籬邊吳淞老褐來賀我  
倒冠共醉春風前我歌此歌君拍手東壺西閬開洞天  
洞天之鶴為我雙回旋

大樹歌為馮困如賦

東柯溪頭三大樹水深土厚崖石牢一株石茶檠冬蔕  
紅若火鏡鎔冰濤兩株老檜挺霜幹青如連弁翹雙黿  
不知人間富貴植青紫草亡木卒紛如毛漢家根株歷

千歲當時大將誇人豪只今子孫仗大義昧始尚薄巾  
車勞三槐風雲慶有待闕荆湯火死已逃金鴉倒立海  
底景白鳳夜燄風中膏蟠柯骨露黑石虎奇幹手接蒼  
山猱惡氛西起白日翳恍惚大將排旌旄東柯東柯濟  
時具豈無兵家文武韜摩挲大樹日酣卧不甯卽偽從  
韃橐始知后皇受命乞獨正神明扶植冰霜操我來飲  
我中山醪脫巾挂樹三花高大槐太守夢楚國大梅美  
人臨漢皋大榭老雄侍我酒長筇亦卽金絲槽醉歌寫

入嘉樹傳竊比橘頌騷人騷

毘陵行

記十月  
七日事

孟冬四將發句吳彎弓誓落雙髯顱智謀無過史萬葉  
嫖姚無加李金吾前茅已作破竹刃三覆乃裏含沙狙  
常山長蛇一斷尾卽墨怒牯齊犇躡玉蕊孤軍呼庚癸  
皐鴉萬甲迷模糊江南長技江北無蒲牢一吼千鯨呼  
赤杠卓入鐵甕戶鐵翅橫截丹陽湖擣虛之策不出此  
赤手可縛生於菟當時上將陷江都至今莫贖千金軀

後來飛將慎勿疎襄王城頭啼白鳥如何臨期易將犯  
兵忌何必不讀孫吳書烏乎臨期易將犯兵忌何必不  
讀孫吳書

送謝太守

湖秀今三郡循良第一人武林非復舊文比要圖新海  
岳東南會湖江左右鄰曾開天水國直問尾箕津府大  
同京尹居崇異國賓提封家萬戶易俗力千鈞惜也承  
平久於焉值亂頻煙華餘故市風物感殘民今日襄匡

濟乘時好拊循念君多意氣滿腹貯精神別地梅凝曙  
寒江柳孕春過船沙沒屐駐旆雪埋輪龜勉猶無及窮  
愁不敢嗔贈言知面被取醉寄情真勿袖烹鮮手須閒  
牧犢身推誠歸簡妙植善息頑囂亂後無家世漁中有  
隱淪千年黃鶴返萬里白鷗親莫學張京兆應如名信  
臣貂蟬從岳牧圖畫可麒麟

紀夢中作書遺報復元

九月九如三月三五湖山水盡清酣西瞻林屋三天近

南上風颿一日貪潮蹴豔堆青不動雨縣花洞氣長豁  
月中簫鼓神君殿雲下龍驪帝子驂猛虎護林依董奉  
毒蛇避井施蘇耽顰脂塘暗清塵起縹緲峯高碧落參  
落日大堤花果果西風茂苑草毵毵越人仕倦秋思棗  
吳女情多夜擘柑自是王仁僧好伴為予善唱望江南

送客洞庭西

以下從各選本錄入

送客洞庭西雷堆青兩兩陳殿出空明吳城連蒼莽春  
隨湖色深風將潮聲長楊柳讀書堂芙蓉採菱漿懷人

故未休望望欲成往

淵明撫松圖

孤松手自植保此貞且固微微歲寒心孰樂我遲莫  
畱侯報韓仇還尋赤松去後生同一心成敗顧隨遇  
歸來撫孤松猶是晉時樹

遊虎丘與句曲張貞居遂昌鄭明德毘陵倪元鎮  
各追和東坡畱題石壁詩韻

漾舟海湧西坡陀緣素嶺陟彼闔閭丘俯瞰千尺井至



論功闕翦當塗高竹書小兒既有罪夕陽老魅誅何逃  
於乎桐宮空斃金屑竿鴛鴦榼中牛繼馬

鐵崖古樂府外有詠史詩門人顧亮所編多吳編所未載者鐵崖樂府自吳復章琬所編者名曰鐵雅而

詠史詩人名  
為鐵史云

大健兒

唐太宗常曰當今名將惟李勣道宗萬微而已勣道宗雖不能大勝亦不大敗至萬

微非大勝即大敗微自速成敗後嘗隱於終南山晚節再出乃為房氏不肯于所陷君子惜之

燬煌有力士自稱大健兒氣吞黃狼轟義扶白鵲旗李  
家春宮子去逐春宮起海池敵虬髯不議真天子天子

親評三大將鴨綠歸來肆驕宕快刀不斫兩牝妖雙足  
甘為羣鼠葬老荆盜弄金烏丸手持血日夢中還何如  
短衣足馬射猛虎老死不出終南山

孔巢父

孔巢父竹溪流竹溪之水可飲牛胡為去干肉食謀孔  
巢父盍歸來叶河北虎幸斃河中虎方威孔巢父不歸  
去十年東海迷煙霧釣竿空負珊瑚樹

警枕詞

吳越王錢鏐自少在軍中夜未嘗寐倦極則就圓木小枕或枕大鈴寐熟輒敲而寤

名曰警枕置粉盤于卧内有所記則書盤中比  
老不倦或寢方酣外有白事者令侍女振鈴即  
寤時彈銅丸于樓牆之外以警直覺者當徹行  
夜叩北門吏不肯啓關曰雖大王來亦不啓乃  
自他門入明日召  
北門吏厚賜之

不睡龍醒復醒珊瑚圓木搖金鈴五花寶罩芙蓉屏銅  
盤雪粉香淺清樓牆銅彈飛霹靂夜半覺奴起辟易圓  
木功無與敵吳越封疆平地開四世三王安社席

### 三閣圖

金陵新閣空中起虎踞龍蟠鳳雙倚沈檀雕柱闕玉螭

麗華吹笙綵雲裏水晶簾空滙明月三十六宮白于水  
紅塵已馬四百秋

梁末童謠

五城步障五花毬綵繒山頭蓋

宮殿山前十二銀潢流健娥五百曳錦纜金蓮吐影上  
下金銀州二三狎客混歌舞中有酒悲淚如雨嘉州諷  
諫三閭圖秦川別幸千花株回鴈隊鴉羣呼夜半卷土  
昌瀘渝黃茅縛髻口銜壁草降表王中書嗚呼玉樹聲  
中作唐虜門外崇韜是擒虎

李鐵鎗歌

并序

鐵鎗封萬戶至正壬辰七月二十日破賊于杭予嘗  
歌以美之是年九月不幸死於昱關復為歌些之

李鐵鎗人之傑將之強手持鐵鎗丈二長鐵鎗入手烏  
龍驤龍精射之落攬槍皇帝十有二載秋七月紅光西  
來寇西浙防關健兒走惶惶鐵鎗一怒目皆裂十萬赭  
衣暗城闕鐵鎗烏龍去明滅須臾化作風雨來淨洗銅  
城滿城血嗚呼殪猓猓屠封狼鐵鎗之鋒無與當胡為  
將星昨夜墜昱關鐵鎗一折天無光天無光人俵俵雲

臺倚天雲潛傷天子贈忠良祠以血食冬青鄉嗚呼歸  
來乎鐵鎗

鐵城謠

并序

張司業有築城詞嫌其譚緩無沈痛迫切之警今補  
之

蒸土築城城上鐵北風一夜吹作雪君不見銅駝關外  
鐵甕堆中填白骨外塗血髑髏作聲穿鬼穴銅駝崩鐵

甕裂

又鐵崖杆歌云亟亟城城亟成小兒齊唱杆歌  
聲杆歌傳作睢陽曲中有哭聲能陷城臺臺石石

石岷岷立竿作表齊竿旄阿誰造得雲梯于剡  
地過城百尺高其詩音調悽苦用意與此相近

### 冬青塚篇

老羝夜射錢塘潮天山兩乳王氣消禿妖尚壓龍虎怪  
浮圖千尺高宮堯文山老客智且勇夜舟拔山山不運  
江南石馬久不嘶塚上冬青今已拱百年父老憤填胃  
不知巧手奪天工冬青之木鬱蔥蔥六檟愛樹蒲門東

盲老公

伊刺布濟克臺長戊戌十月二十三日黨海  
冠用壯士椎殺之穆爾古蘇將黃中禽拜

珠盡幾

其家

盲老公侍御史崇臺半面呼天子白米紅鹽十萬家鳳  
笙龍管三千指門前養客皆天驕一客解散千黃苗太  
阿之枋忽倒擲槌殺義鶻招羣梟一客死百客辱萬夫  
怒一夫獨生縛老盲來作俘百口賤良一日戮獨遣小  
娥年十五鬻金買身潛出戶馱作倡家馬

銅將軍

判偽相張士信丁未六月六日為龍井砲擊死

銅將軍無目視有準無耳聽有神高紗紅帽鐵篙子南  
來開府稱藩臣兵強國富結四隣上稟正朔天王尊阿弟



柱國秉國鈞僭逼大兄稱孤君案前火勢十妖嬖後宮  
春豔千花嬪水犀萬弩填震澤河丁萬鍾輸茅津神愁  
鬼憤哭萬民銅將軍天假手疾雷一擊粉碎千金身斬  
妖蔓拔禍根烈火三日燒碧雲鐵篙子面縛西向為吳  
賓

周鐵星

張氏亡國亡於其弟士信趣亡於毒斂臣周俚俚山陽鐵冶子以聚斂功至上卿伏

誅曰曰錢穀鹽鐵藉皆在我汝國欲富當勿殺我主者怒曰亡國賊不知死罪尚敢言是耶速殺之吳人快之或手額謝天曰今日天開眼也

周鐵星國上卿談申韓為法經釘筭杖為國刑千倉萬  
庫內外盈十有三賦爭科名周鐵星鞭筭筭歛無時停  
開血河築血城血戰艦血軍營刮民膏啖民髓六郡赤  
骨填芻靈齊雲倚天一日傾鐵星亡國法當烹尚將六  
郡金谷數丐死萬一克虞衡嗚呼周鐵星十抽一椎百  
萬釘誓剗爾體作溺嬰鐵星碎地啟瞋天開顙音

蔡葉行

判倭倖臣蔡文葉德張氏亡國由大弟致此實由二倭丁未春二倭伏誅于臺城風

乾其尸于殤

刑者一月

君不見偽吳兄弟四六七十年強兵富金穀大兄垂旒  
不下堂小弟秉鈞獨當國山陰蔡藥師雲陽葉星卜朝  
坐白玉堂莫宿黃金屋又不談周召武不論頗牧機務  
託腹心邊策憑耳目弄臣什什引膝前骨鯁孤孤內囚  
牯去年東臺殺普化今年南垣殺鐵木鳳陵剖棺取舍  
珠鯨海刮商初沈玉粥官隨地進妖豔籠貨無時滿坑  
谷西風卷地來六郡下披竹朽索不御六馬奔腐木那  
支五樓覆大越先罪魁餘殃盡孥戮寄謝悠悠佞倖兒

福不盈眦禍連族何如吳門市賣藥賣卜餓死亦足

金盤美人

刺偽駙馬潘某潘娶美婦凡數十内一蘇氏才色兼美醉後尋其罪殺之以金

盤薦其首于客宴絕類北齊主事國亡伏誅臺城投其首于溷

昨夜金牀喜喜薦美人體今日金盤愁愁薦美人頭明

朝使君在何處溷中人溺血骷髏君不見東山琵琶

骨夜夜鬼語啼瑩簇

北齊主納娼婦薛氏清河王岳嘗因其娣迎之至第主怒殺其娣薛

甚寵于帝久之主忌思其與岳通斬首藏于裏出東山宴飲探其首投于盤足解其屍弄其髀為琵琶復收髀流涕曰佳人難再得載屍出葬主被髮步哭送之

銀海空青光奪目魚龍百怪暫被除平展輕綃三百幅  
牙橋五兩空中舉陳瀆村中過撾鼓燒筍既憩彭城灣  
采蓴復渡楊家浦中流颶發占莫徭須臾鯨浪吼蒲牢  
長年捩柁稱好手小腰失箸生寒毛蔣家二仲素奇士  
更有登高羊叔子老崖鐵笛上青雲玉龍穿空卷秋水  
船頭可奈風水何拔劍擬斫生蛟鼉人生哀樂固相半  
神靈涉意母過多鷗夷入海人不識漁媪漁王配寒食  
鄉里小兒舞竹枝乞與神童舞銅狄我聞洞庭之峯其

橘大如斗剖而食之見奕叟弱水不隔天表流獨我胡  
為牛馬走五湖挂席從此首

題楊妃春睡圖

沈香亭前燕來後三郎鼓中放花柳西宮困人春最先  
華清溶溶煖如酒雪肌欲透紅薔薇錦襦却盡流蘇幃  
小蓮侍擁扶不起翠被卷作梨雲飛蟠龍髻重未勝綰  
燕釵半落犀梳偃晚漏壺中水聲遠簾外日斜花影轉  
琵琶未受宣喚促睡重黎腰春正熟不知小棚思塞酥

夢中化作銜花鹿

素雲引為玄霜公子賦

玄霜瑣溪呂氏月臺名也

清河美人姑射神夢中認得梨花雲  
朝朝暮暮不肯雨  
瑤枝玉葉光輪困  
艷妝不染胭脂水  
輕歌欲遏鸞笙起  
五花細馬馱春風  
羅帶飄颻白鷗尾  
柔情易逐綠霞空  
半掩春衣嘶玉龍  
九點峯前指歸路  
家住松陵東復東  
桃葉桃根春已暮  
又逐飛花度江去  
梨園昨夜春雨多  
回首孤飛在何處  
何處孤飛去復來  
直是玄霜百尺臺

金史四庫全書  
卷五十六  
和楊孟載春愁曲之什

小樓日日聽雨卧輕雲作團拂簾過金黃楊柳葉初勻  
雪色棠梨花半破東家蝴蝶飛無數西隣燕子來兩箇  
玉關萬里尺書稀春風不似春愁大

一作羞殺壯  
丹如斗大

送曹生之京

十載辭京國常懷玉筍班鳳麟游壁水虎豹啟天關  
海樹分秦雨江雲隔楚山壯游須努力況子正紅顏

題蘇武牧羊圖



未入麒麟閣時時望帝鄉寄書元有鴈食雪不離羊旄  
盡風霜節心縣日月光李陵何以別涕淚滿河梁

送用上人之金陵

東土帝王州高僧汗漫游闕衣收夜雨洗鉢渡江流草  
發金銀穴花飛霹靂溝攜詩見短李應下讀書樓

送楊生琰歸溧陽

之子吾同姓相逢已道南春衣彫白苧佳樹長黃柑雨  
淡潛龍寺天清漂女潭蒲公讀書處白石有新菴

翡翠巢

羅浮花使先春到  
來傍玉樓深處巢  
舞雪豔翻楊柳絮  
歌雲輕壓海棠梢  
屏開時露鴉頭  
襪絃斷應銜鳳  
觜膠却笑雪衣娘  
太劣雕籠深鎖未全教

席上賦

羅洞蘭煙繞燭微  
三更三點妓成圍  
魚吹綠酒常雙躍  
鴈列瑤箏不獨飛  
隔座送闌喧中射  
當筵呼摯促更衣  
雞鳴樂極翻悽斷  
闌月纖纖照影歸

嬉春體五首

錢塘湖上作一云賦倘唐  
體遺錢塘詩人學杜者

今朝立春好天氣況是太平朝野時  
走向南隣覓酒伴還從西墅買花枝  
陶令久辭彭澤縣山公祇愛習家池  
宜春帖子題贈爾日日春游日日宜

西子湖頭春色濃望湖樓下水連空  
柳條千樹僧眼碧桃花一株人面紅  
天氣渾如曲江節野客正是杜陵翁  
得錢沽酒勿復較如此好懷誰與同

何處被花惱不徹嬉春最好是湖邊  
不須東家借騎馬

自可西津買蹋船燕子繞林紅雨亂鳬雛衝岸浪花圓  
段家橋頭猩色酒重典春衣沽十千

入山十里清涼國三百樓臺迤邐開岳王墳前弔東渡  
隱君寺裏話西來接果黃猿呼一箇探花白鹿走千迴  
風流文采湖山主坡白應須屬有才

楊子休官日日閒桐江新棹酒船還叮嚀舊客兼新客  
漫浪南山與北山好懷急就一斗飲佳人能作五絃彈  
君看此地經游輦彷彿春風夢未殘

玉山主人云所謂  
嬉春體即老杜以

江上誰家桃柳枝春寒細雨出疎籬為新體也先  
生自謂代之詩人為宋體所格故作此體變之云

又湖州作四首

書寄班恕齋試溫  
生筆偶入前卷

三月三日雨新晴相邀春伴冶西城即倩山妻紗帽辦  
更煩小將犢車輕好語啼春秦吉了仙姿當酒董雙成  
憑君多唱嬉春曲老子江南最有情

五十狂夫心尚孩不容俗物相填殽興來自控王蹄馬  
醉後不辭金當杯海燕來時芹葉小野鷺啼處菜花開  
春衫已備紅油蓋不怕城南小雨催

長城小姬如小憐紅絲新上琵琶絃可人座上三株樹  
美酒沙頭雙玉船小洞桃花落香肩大堤楊柳埽晴煙  
明朝紗帽青藜杖更訪東林十八仙

湖州野客似玄真水晶宮中烏角巾得句時過張外史  
學書不讓管夫人棊尋東老林中橘飯煮西施廟下鱸  
無雨無風二三月道人將客正嬉春

無題效商隱體四首

與袁子  
英同賦

當軒隊子立紅靴龜甲屏風擁絳紗公子銀瓶分汗酒

佳人金勝翦春花曲調青鳳歌聲轉觥進黃鸝舞勢斜  
五十男兒頭未白臨流洗馬走紅沙

主家院落近連昌燕子歸來舊杏梁金埒近收青海駿  
錦籠初教雪衣娘卷衣甲帳春容曉吹笛西樓月色涼  
今夜阿鵠新進劇黃金小帶荔枝裝

二月皇都花滿城美人多病苦多情一雙孔雀銜青綬  
十二飛鴻上錦箏酒掬珍珠傳玉掌羹分甘露倒銀罍

不堪容易少年事

一作潘郎老

爭遣狂夫

一作朱施

作後生

天街如水夜初涼  
照室銅盤壁月光  
別院三千紅芍藥  
洞房七十紫鴛鴦  
繡靴蹋鞠句  
驪樣羅帕垂  
彎女直妝  
願爾康強好眠食  
百年歡樂未渠央

和蔡彥文題虞伯生張伯雨倡和帖

髯駕已聞攀鼎水  
劫灰又見話昆池  
劒藏玉几山中記  
筆紀玄卿天上碑  
舊譜紫霞吹鶴骨  
新章白雪寫烏絲  
逃身我未學仙去  
何處還丹日月遲

送理問王叔明



聞道紫樞開錫燕寶釘大鈐賜天驕

時貽相招東  
南二處士

多景樓

極目心情獨倚樓  
荻花楓葉滿江秋  
地雄吳楚東南會  
水接荆揚上下流  
鐵甕百年春雨夢  
銅駝萬里夕陽愁  
西風歷歷來征鴈  
又帶邊聲過石頭

新省呈石相及藩參諸公

大省新開方岳重  
人間第二紫微垣  
丹池鳳浴江湖淺  
温室花開雨露繁  
天柱星辰高北極  
海門日月遠東藩

相君大業憑誰賦白髮詞臣詔立言

至正廿三年四月淮南王左相微行淞江步謁草

玄閣夜移酒船宴閣所

微行誰識王丞相草履過門如野人太史遙遙瞻紫氣  
老夫急急裏烏巾子陵故友終辭漢張祿先生又入秦  
休說五湖天樣闊扁舟何處不容身

送王筍生往吳大府之聘兼簡國寶樞相賓卿客

省

近報淮吳張柱國樓船遣使聘嘉賓漢家自有無雙士  
趙客何勞十九人天上瓊花回后土江南杜宇到天津  
若逢呂相煩相問應有奇書痛絕秦

送呂左轄

名珍還越

保障南藩第一功未容若木挂雕弓  
露書誓翦金牀兔壯氣平吞黑輿公  
萬里天威龍虎北五雲佳氣鳳皇東  
麥城又報捷書至江上將軍是呂蒙

送僧歸日本

東風昨夜來鄉國又見階前吳草青金錫躡空靈鳥逝  
寶珠嗅海毒龍腥車輪日出扶桑樹笠蓋天傾北極星  
我欲東夷訪文獻歸來中土校全經

芝雲堂分韻得對字

窮冬積繁陰快雨不破塊問途玉山下繫船桃溪匯主  
人聞客來把酒欣相徠窈窕雙歌聲嬋娟兩眉黛談笑  
方云云妍媸各成態憶昔獻策時日炯重瞳對下馬宴  
瓊林宮花出西內俯仰三十年同袍幾人在明當理行

舟天遠征鴻背那能事煩劇曉出星猶戴行當謝冠冕

歸荷

一作理

山陽來

湖光山色樓

仙家十二樓俯瞰芙蓉渚象田耕玉煙龍氣生珠雨鳳  
麟遠水接空濛小瀛夜折蓬萊股蘭臺美人能楚語十  
三鴈急孤鸞舞仙人醉騎黃鶴來酣揮落日使倒迴翦  
取瑤田一稜歸滿天鐵笛走春雷

玉山草堂雅集又題

我常被酒玉山堂風物于人引興長銀絲尊薦野鴨炙

一作段

金粟瓜取西楊莊山頭雲氣或成虎溪上仙人多

訝羊何處行春柘枝鼓閬州竹枝歌女郎

奉謝玉山假僦屋

玉山長者有高義乞與山人僦屋金駟馬一時皆上客  
青娥三日有遺音西山湧海當秋後南斗流江入夜深  
更報大茅張外史興來須把小雷琴

春日有懷玉山主人

梨花枝外雨冥冥宿酒朝來尚未醒倚砌宜男偏婀娜  
隔窗鸚鵡太丁寧紫鸞簫管和瑤瑟金鴨香爐倚繡屏  
青李來禽臨已徧定從白鵲授黃庭

懷玉山一首書珠簾氏便面

五月江聲入閣寒故人西望倚闌干珠簾新卷西山雨  
第一峯前獨自看

湖上感事漫成四絕奉寄玉山

湖水碧于天湖雲薄似煙鴛鴦不驚亂飛過岳墳前

湖水平于鏡湖泥濁似涇祇應萋血在染得水華清  
海嶠浮西日關梁轉北風蘇郎書未返愁絕鴈來紅  
將石星空墮靈山鳳不飛惟餘潮頭水西去復東歸

與客登望海樓作錄寄玉山主人

蜃子雨開江上臺江頭野老不勝哀  
蜃將樓閣空中落鰭引旌旗月下來  
保障許誰為尹鐸事諧無復問文開  
可憐歌舞舊城闕又是昆明幾劫灰

嫋嫋秋風起洞庭銀州宮闕渺空青  
客星石落江龍動



神馬潮來海雨腥  
弱水無時通漢使  
赭峯何事受秦刑  
遠人新到三韓國  
中土文明聚五星

同郊九成過玉山舟中聯句

城角初升旭日暹  
舵樓東向起遐瞻  
鼉頭直下癡雲暗

楊鷗尾徐開破浪恬  
野色微明金水曲  
郊清江隱見玉

山尖雨收幕燕簷  
牙起楊風颭檣烏帆腹  
添波影白翻

鷗箇箇郊燒痕青出麥  
纖纖弋來野鷺毛  
全蛻楊笥得

冰魚口尚噉解籜  
上萌蓮郊蒨苦  
潑醅新益蜜脾甜  
避

船好鳥機先識

楊

入座江花手自拈未必江山惟客有

郊

也知吏隱許吾兼桃花不隔仙源路詩就寧辭荅刻

淹楊

席上作

江南處處烽煙起海上年年御酒來如此烽煙如此酒

老夫懷抱幾時開

戴冠濯纓亭筆記張士誠據姑蘇元主以上尊酒賜士誠士誠設宴以饗

使者楊廉夫與焉即席賦詩云云士誠得詩甚慚

元詩選初集卷五十六